

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 152. sjednici, održanoj 05.03.2014. godine, d o n o s i

ZAKLJUČAK

I.

Daje se saglasnost na korigovani Statut broj: 06/2013 od 26.07.2013. godine Javne ustanove „Penzionerski dom sa stacionarom“ Zeničko-dobojskog kantona, koji je donio Upravni odbor Ustanove.

II.

Statut iz tačke I. ovog zaključka biti će objavljen u „Službenim novinama Zeničko-dobojskog kantona“ .

III.

Zaključak stupa na snagu danom donošenja.

Broj: 02-_____/14.
Datum, 05.03.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x JU “Penzionerski dom sa stacionarom“, (putem Ministarstva),
1x Upravni odbor JU “Penzionerski dom sa stacionarom“ (putem Ministarstva),
1x „Službene novine Zeničko-dobojskog kantona“
1x a/a.

Na osnovu člana 27. stav 1. alineja 1. Zakona o ustanovama (" Službeni list R BiH" , broj: 6/92, 8/93 i 13/94), člana 16.Odluke o osnivanju Javne ustanove "Penzionerski dom sa stacionarom" Zeničko-dobojskog kantona (" Službene novine Zeničko-dobojskog kantona", broj:8/13) Upravni odbor JU" Penzionerski dom sa stacionarom" Zeničko-dobojskog kantona, na sjednici održanoj 26.07.2013. godine, d o n o s i

S T A T U T

Javne ustanove " Penzionerski dom sa stacionarom" Zeničko-dobojskog kantona

I OSNOVNE ODREDBE

Član 1.

Ovim Statutom uređuju se pitanja od značaja za rad Javne ustanove "Penzionerski dom sa stacionarom" Zeničko dobojskog- kantona (u daljem tekstu : JU Penzionerski dom Zenica), a naročito: naziv i sjedište ustanove, osnivaču, obavezama ustanove prema osnivaču, djelatnosti ustanove i o načinu i uslovima obavljanja te djelatnosti, odnosu prema korisnicima usluga, statusnim promjenama , imenovanju i razrješavanju direktora, drugim organima ustanove i njihovim pravima, obavezama i odgovornostima, uslovima i načinu njihovog izbora i razrješavanja, općim aktima koji se donose u ustanovi i načinu njihovog donošenja, načinu ostvarivanja javnosti rada, drugim pitanjima utvrđenim zakonom, i druge odredbe od značaja za rad ustanove i za ostvarivanje prava, obaveza i odgovornosti zaposlenika ustanove.

Član 2.

(1) JU Penzionerski dom Zenica je osnovan Odlukom Skupštine Zeničko-dobojskog kantona, broj:01-05-14726/13 od 04.07.2013.godine (" Službene novine Zeničko-dobojskog kantona ", broj 8/13) .

(2) Obaveze JU Penzionerski dom Zenica prema osnivaču uređuju se zakonom, podzakonskim aktima, aktima osnivača, statutom i drugim općim aktima JU Penzionerski dom Zenica.

(3) JU Penzionerski dom Zenica je obavezan Ministarstvu za rad, socijalnu politiku i izbjeglice Zeničko-dobojskog kantona dostavljati izvještaje o poslovanju, godišnje planove odnosno programe rada i druge akte od značaja za djelatnost JU Penzionerski dom Zenica.

Član 3.

- (1) JU Penzionerski dom ima svojstvo pravnog lica i upisuje se u sudski registar.
- (2) JU Penzionerski dom je javna ustanova u državnoj svojini.

II NAZIV, SJEDIŠTE I PEČAT USTANOVE

Član 4.

(1) JU Penzionerski dom posluje pod nazivom Javna ustanova "Penzionerski dom sa stacionarom "Zeničko-dobojskog kantona.

(2) Skraćeni naziv je : JU "Penzionerski dom " Ze-do kantona .

(3) Sjedište: Prve zeničke brigade 1/d , 72000 Zenica

Član 5.

(1) JU Penzionerski dom Zenica ima svoj pečat i štambilj.

(2) Pečat je okruglog oblika i izrađuje se u dvije veličine, veliki prečnika 30mm i mali prečnika 20mm.

(3) Štambilj je pravougaonog oblika veličine 55x10mm.

(4) Na pečatima i štambilju je tekst: Javna ustanova "Penzionerski dom sa Stacionarom "Zeničko-dobojskog kantona.

Član 6.

Posebnim aktom Upravnog odbora bliže se utvrđuje broj pečata i štambilja, njihova upotreba, čuvanje i uništavanje.

III DJELATNOST, SREDSTVA I ODNOSI SA KORISNICIMA

Član 7.

(1) JU Penzionerski dom Zenica obavlja djelatnost socijalne zaštite u ustanovi sa smještajem, što uključuje određeni stepen zdravstvene njege za osobe i zbrinute i smještene u ovoj ustanovi, kao i osobe kod kojih je završeno liječenje u zdravstvenim ustanovama.

(2) U skladu sa Odlukom o klasifikaciji djelatnosti u BiH ("Službeni glasnik BiH", broj:47/10), djelatnost iz stava 1. ovog člana obuhvata područja i to:

- 87,10-djelatnost ustanova sa smještajem koje uključuju određeni stepen zdravstvene njege ;

- 55,90- ostali smještaj

- 56,10-djelatnost resorna i ostalih objekata za pripremu i usluživanje hrane.

(3) Ministarstvo zdravstva Zeničko-dobojskog kantona će na zahtjev JU Penzionerskog doma Zenica donijeti akt kojim će utvrditi postojanje uslova za obavljanje usluga određenog stepena zdravstvene njege u pogledu prostora, opreme i kadra.

Član 8.

Osnovni kapital JU Penzionerski dom Zenica u visini od 50.000 KM osiguran je iz Budžeta Zeničko-dobojskog kantona.

Član 9.

Sredstva za rad JU Penzionerski dom Zenica stiće po osnovu plaćanja usluga odnosno učešća korisnika njenih usluga u pokriću dijela ili ukupnih troškova usluga JU

Penzionerski dom Zenica, budžeta osnivača, po osnovu ugovora sa Zavodom zdravstvenog osiguranja, te drugih izvora pod uslovima određenim zakonom ili aktom o osnivanju JU Penzionerski dom Zenica.

Član 10.

Odnosi sa korisnicima usluga JU Penzionerski dom Zenica uspostavlja na način i pod uslovima utvrđenim općim propisima, aktima službe, ugovorima o smještaju i dobrim poslovnim običajima.

Član 11.

Korisnik usluga JU Penzionerski dom Zenica može uložiti prigovor direktoru službe na kvalitet, sadržaj, vrstu usluge i na odnos prema njemu u procesu pružanja usluga.

IV ORGANIZACIJA

Član 12.

Unutrašnjom organizacijom se obezbjeđuje uslovi za kvalitetno, zakonito, cjelishodno, ažurno i efikasno obavljanje djelatnosti JU Penzionerski dom Zenica.

Bliže odredbe o unutrašnjoj organizaciji i sistematizaciji JU Penzionerski dom Zenica regulišu se posebnim općim aktom.

V STATUSNE PROMJENE

Član 13.

O proširenju ili promjeni djelatnosti, kao i o statusnim promjenama: spajanje, pripajanje, podjeli ili izdvajanju odlučuje osnivač JU Penzionerski dom Zenica po prijedlogu Upravnog odbora ili po vlastitoj inicijativi.

Član 14.

Ako dođe do statusnih promjena ustanove iz člana 13. ovog Statuta, osnivači ustanova koji su pristupili statusnim promjenama odlučuju o preuzimanju prava i obaveza osnivača prema novonastaloj ustanovi.

VI ORGANI JU PENZIONERSKI DOM ZENICA

1. Upravni odbor

Član 15.

(1) Organ upravljanja JU Penzionerski dom Zenica je Upravni odbor.

(2) Upravni odbor ima pet (5) članova i čine ga predstavnici osnivača-jedan član, predstavnici zaposlenika JU Penzionerski dom Zenica-dva člana i predstavnik Federalnog zavoda za PIO/MIO-jedan član i jedan član iz reda ostalih.

(3) Predsjednika i članove Upravnog odbora imenuje Vlada Ze-do kantona na period od četiri (4) godine uz mogućnost ponovnog imenovanja.

Član 16.

(1) Upravni odbor donosi: statut javne ustanove, imenuje i razrješava direktora uz saglasnost Vlade, utvrđuje planove rada i razvoja, utvrđuje godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte u skladu sa zakonom i statutom JU Penzionerski dom Zenica, odlučuje o svim pitanjima obavljanja djelatnosti radi kojih je JU Penzionerski dom Zenica osnovana, usmjerava, kontroliše, ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima JU Penzionerski dom Zenica, osnivaču najmanje jednom godišnje podosi izvještaj o poslovanju JU Penzionerski dom Zenica, vrši i druge poslove u skladu sa Zakonom i Statutom JU Penzionerski dom Zenica.

(2) Upravni odbor donosi odluke većinom glasova svih članova ako zakonom u pojedinim pitanjima nije određena druga kvalifikovana većina.

2. Direktor

Član 17.

(1) Direktor je organ rukovođenja JU Penzionerski dom Zenica .

(2) Direktor JU Penzionerski dom Zenica imenuje Upravni odbor na osnovu javnog konkursa, uz saglasnost Vlade na period od četiri (4) godine uz mogućnost ponovnog imenovanja.

(3) Ako se ne izvrši imenovanje direktora JU Penzionerski dom Zenica, Upravni odbor imenuje vršioca dužnosti direktora iz reda zaposlenika JU Penzionerski dom Zenica.

Član 18.

Za direktora JU Penzionerski dom Zenica može biti imenovano lice koje pored općih uslova utvrđenih zakonom:

- ima univerzitetsku diplomu odnosno visoku stručnu spremu,

- da ima najmanje pet godina radnog iskustva, a najmanje tri godine na rukovodećim poslovima
- posjeduje smisao za komunikaciju, te organizaciju rada u smislu osiguranja uspješnog rukovođenja.

Član 19.

(1) Direktor JU Penzionerski dom Zenica nakon objavljenog konkursa u sredstvima javnog informisanja imenuje Upravni odbor, a uz prethodnu saglasnost Vlade Zedo kantona.

(2) Konkurs sprovodi Konkursna komisija od pet članova koju imenuje upravni odbor. Konkurs za imenovanje direktora raspisuje se najmanje dva mjeseca prije isteka mandata postojećem direktoru.

(3) Rok za podnošenje prijava na konkurs ne može biti kraći od 15 niti duži od 30 dana računajući od dana zadnjeg objavljivanja.

(4) Upravni odbor utvrđuje rok za podnošenje prijava i sredstava javnog informisanja u kome će konkurs biti objavljen. U konkursu moraju biti navedeni opći i posebni uslovi za imenovanje direktora.

Član 20.

(1) Direktor organizuje i rukovodi radom JU Penzionerski dom Zenica, zastupa i predstavlja JU Penzionerski dom Zenica trećim licima i odgovoran je za zakonitost rada JU Penzionerski dom Zenica. U ostvarivanju rukovođenja JU Penzionerski dom Zenica direktor predlaže Upravnom odboru mjere za efikasno i zakonito obavljanje djelatnosti radi kojih je ustanova osnovana, unutrašnju organizaciju i sistematizaciju poslova i osnove planova rada i razvoja, izvršava odluke Upravnog odbora, odlučuje o pravima, obavezama i odgovornostima radnika iz radnog odnosa, podnosi Upravnom odboru izvještaj o finansijskom poslovanju i vrši druge poslove u skladu sa zakonom, pravilima i statutom JU Penzionerski dom Zenica . Direktor je dužan da obustavi od izvršenja opšti akt koji je u nesaglasnosti sa ustavom ili u suprotnosti sa zakonom kao i pojedinačni akt kojim se nanosi šteta JU Penzionerski dom Zenica ili lokalnoj zajednici da o tome obavijesti organ uprave koji vrši nadzor nad zakonitosti rada JU Penzionerski dom Zenica. Direktor je naredbodavac za izvršenje finansijskog plana. Direktor je odgovoran Upravnom odboru za rezultate rada i finansijsko poslovanje JU Penzionerski dom Zenica. Direktor je odgovoran Upravnom odboru za rezultate rada za finansijsko poslovanje JU Penzionerski dom Zenica.

(2) Direktor JU Penzionerski dom Zenica može pismenim punomoćjem svoja ovlaštenja za zastupanje i predstavljanje JU Penzionerski dom Zenica prenositi na druge radnike u okviru svojih prava i dužnosti.

Član 21.

(1) Upravni odbor može razrješiti direktora prije vremena za koje je imenovan:
- ako utvrdi da je odgovoran za neuspješan ili nezakonit rad JU Penzionerski dom Zenica

- na lični zahtjev direktora
- u drugim slučajevima propisanim zakonom i statutom

(2) Prijedlog za prijevremeno razrješenje direktora iz razloga iz alineje (1) 1. stav 1. ovog člana može dati osnivač, odnosno Vlada Ze-do kantona, predsjednik, odnosno član Upravnog odbora ili Nadzorni odbor.

Član 22.

Po završenom konkursu Konkursna komisija podnosi pismeni izvještaj upravnom odboru sa prijedlogom kandidata.

Član 23.

(1) Ako se na konkurs ne prijavi kandidat koji ispunjava propisane uslove raspisuje se novi konkurs.

(2) Novi konkurs raspisuje se i kada nijedan od kandidata koji ispunjavaju propisane uslove ne bude izabran te u slučaju kada izabrani kandidat ne stupi na dužnost u roku utvrđenom odlukom o izbor.

(3) Ako se i na ponovljeni konkurs ne prijavi kandidat koji ispunjava propisane uslove kao i kada direktor ne bude imenovan u roku od 60 dana od dana isteka konkursnog roka Upravni odbor postavlja vršioca dužnosti direktora najduže na period od šest (6) mjeseci.

Član 24.

O odluci o imenovanju direktora obavještava se svaki učesnik konkursa.

Član 25.

Direktor koji nije učestvovao na ponovnom javnom konkursu ili nije izabran na ponovnom konkursu, ili je razriješen dužnosti direktora u skladu sa odredbama Zakona i ovog Statuta prije isteka vremena na koji je izabran, ima pravo da radi u JU Penzionerski dom Zenica na drugim poslovima i radnim zadacima koji odgovaraju njegovoj stručnoj spremi i radnim sposobnostima stečenim radom.

Član 26.

Direktor je samostalan u radu u okviru prava i dužnosti utvrđenih opštim propisima i aktima JU Penzionerski dom Zenica.

3. Nadzorni odbor

Član 27.

(1) Nadzorni odbor JU Penzionerski dom Zenica je organ kontrole poslovanja javne ustanove.

(2) Nadzorni odbor ima tri člana od kojih se jedan imenuje iz reda zaposlenih dok se preostali članovi biraju sa liste ostalih prijavljenih kandidata na javni glas

(3) Predsjednik člana Nadzornog odbora imenuje Vlada Ze-do kantona.

Član 28.

Nadzorni odbor:

- analizira izvještaje o poslovanju JU Penzionerski dom Zenica,
- obavlja nadzor nad upotrebom sredstava za rad ,
- pregleda godišnji izvještaj o poslovanju i godišnji obračun,
- pregleda i provjerava urednost i zakonitost vođenja poslovnih knjiga ,
- izvještava osnivača, Upravni odbor i direktora o rezultatima nadzora.

Član 29.

Nadzor nad zakonitosti rada JU Penzionerski dom Zenica vrši nadležni organ uprave na čijem je području sjedište, ako Zakonom nije drukčije određeno.

VII OPĆI AKTI

Član 30.

Osim Statuta kao općeg akta JU Penzionerski dom Zenica donosi i druge opće akte od značaja za organizaciju rada i sistematizaciju radnih mjesta, plaće zaposlenika, radne odnose, odnosno prava i obaveze zaposlenika, procedure prijema i otpusta korisnika usluga, etičke kodekse zaposlenika i druge akte od ukupnog značaja za uspješan rad JU Penzionerski dom Zenica.

VIII ODNOS PREMA KORISNICIMA

Član 31.

JU Penzionerski dom Zenica će obezbijediti obim i kvalitet usluga korisnika u nivou prava i obaveza definisanih pojedinačnim ugovorima.

VIII JAVNOST RADA

Član 32.

(1) Javnost rada JU Penzionerski dom Zenica ostvaruje se:

- obavještavanjem javnosti, prema potrebi, o bitnim pitanjima rada ustanove, uslovima i rezultatima poslovanja, teškoćama u radu , te drugim pitanjima,
- podnošenjem izvještaja o radu JU Penzionerski dom Zenica ,
- prema potrebi organizovanjem konferencija za sredstva informisanja i davanjem saopštenja,

- oglašavanja Statuta i drugih općih akata JU Penzionerski dom Zenica na oglasnim pločama .

(2) Upravni odbor može utvrditi druge oblike obavještanja javnosti rada JU Penzionerski dom Zenica.

(3) Direktor JU Penzionerski dom Zenica odlučuje i o drugim oblicima javnosti rada imajući u vidu potrebu zaštite određenih poslovnih, ličnih i drugih podataka shodno Zakonu.

IX PROFESIONALNA TAJNA

Član 33.

Profesionalnom tajnom smatraju se podaci o osobnom ili obiteljskom životu korisnika usluga JU Penzionerski dom Zenica i drugih osoba koji su poznati zaposlenicima JU Penzionerski dom Zenica o obavljanju svojih poslova ili podaci za koje saznaju članovi Upravnog odbora i Nadzornog odbora, a čije bi neovlašteno priopćavanje moglo štetiti interesima osobe na koje se podatak odnosi.

X PRELAZNE ODREDBE

Član 34.

Izmjene i dopune Statuta JU Penzionerski dom Zenica vrše se na način i po postupku propisanom za njihovo donošenje.

XI ZAVRŠNE ODREDBE

Član 35.

Ovaj Statut stupa na snagu danom dobivanja saglasnosti od strane Vlade Zeničko-dobojskog kantona i bit će objavljen u " Službenim novinama Zeničko-dobojskog kantona ",

Broj: 06 /2013,
26.07.2013. godine, Zenica



Predsjednik
Upravnog odbora
Mr.sc. Hasan Topalović

Na osnovu člana 27. stav 1. Alijeja 1. Zakona o ustanovama ("Službeni list F BiH", broj: 6/92, 8/93 i 13/94), člana 13. Odluke o osnivanju Javne ustanove „Penzionerski dom sa stacionarom“ Zeničko-dobojskog kantona („Sl.novine Ze-do kantona“ broj: 8/13), Upravni odbor na prvoj sjednici, održanoj dana 26.07.2013. godine donosi:

ODLUKU

O USVAJANJU STATUTA JU „PENZIONERSKI DOM SA STACIONAROM“

ZENIČKO-DOBOJSKOG KANTONA

Član 1.

Ovom Odlukom usvaja se Statut JU „Penzionerski dom sa stacionarom“ Zeničko-dobojskog kantona.

Član 2.


Izmjene i dopune Statuta iz člana 1. ove Odluke vrše se na način i po postupku propisnom za njegovo donošenje.

Član 3.

Ova Odluka stupa na snagu danom donošenja.

Broj: 04/2013
Zenica, 26.07.2013. godine

Predsjednik Upravnog odbora
Mr. sci. Hasan Topalović



DOSTAVITI:

1. Ministarstvu za rad, socijalnu politiku i izbjeglice Ze-do kantona,
2. Upravnom Odboru,
3. a/a.